

OYSTER PERPETUAL DATEJUST



ROLEX



MICHELSEN

ÚRSMIDIR SÍÐAN 1909

Laugavegur 15 - 101 Reykjavík  
511 1900 - www.sviss.is

# MARKAÐURINN

Miðvikudagur 30. október 2013 | 30. tölublað | 9. árgangur

Sími: 512 5000 | [visir](http://www.visir.is) www.visir.is

STAFRÆN  
PRENTUN!



Guðjón Ó  
VISTVÆNA PRENTSMÍÐJAN

## MILLJARÐA UPPBYGGING Á SIGLUFIRÐI

- Viðtal við Róbert Guðfinnsson, athafnamann frá Siglufirði.
- Framkvæmdir við 68 herbergja hótél hefjast á næstu mánuðum.
- Ólík verkefni í ferðaþjónustu og líftækni sameinast við smábátahöfnina.

SÍÐA 4



## Íslenskir neytendur svartsýnni

Svartsýni íslenskra neytenda gagnvart stöðu og horfum í efnahagslífinu jókst í október í samanburði við mánuðinn á undan.

Þetta kemur fram í nýbirtri mælingu Væntingavísitölu Gallup fyrir októbermánuð.

Vísitalan mældist 67,5 stig í október og lækkaði um tæp sex stig frá septembermánuði. Þegar vísitalan er borin saman við sama mánuð í fyrra sést að hún mældist nú 10,5 stigum lægri en í október 2012.

Þegar þróun vísitölunnar er skoðuð eftir kyni svarenda sést að konur voru svartsýnni en karlar, bæði í október og september. Munurinn var 37 stig í september og hafði hann þá ekki verið meiri síðan í maí árið 2004.

## Dregur úr taprekstri Nokia

Finnski farsímaframleiðandinn Nokia tapaði 91 milljón evra, eða um fimmtán milljörðum íslenskra króna, á þriðja ársfjórðungi þessa árs.

Fyrirtækið skilaði 959 milljóna evra tapi á þriðja ársfjórðungi síðasta árs og því hefur dregið verulega úr taprekstri Nokia þegar tímabilin tvö eru borin saman.

Breski fjölmiðillinn BBC greindi frá því í gær að Nokia hefði selt 8,8 milljónir Lumia-snjallsíma og að salan hefði aukist um 19 prósentustig frá þriðja ársfjórðungi 2012.

## ÍMARK tilnefndu þrjú fyrirtæki

Fyrirtækin Domino's, Landsbankinn og Nova eru tilnefnd til Íslensku markaðsverðlaunanna 2013.

Verðlaunaafhendingin fer fram fimmtudaginn 14. nóvember næstkomandi samkvæmt tilkynningu sem ÍMARK, samtök markaðsfólks á Íslandi, sendu frá sér í gær. ÍMARK munu einnig veita verðlaun fyrir markaðsmann ársins 2013.

Klara Íris Vigfúsdóttir, framkvæmdastjóri ÍMARK, segir í tilkynningunni að þetta sé í 23. skiptið sem samtökin velji markaðsfyrirtæki ársins.

- hg

## KAUPAUKI



Með öllum margskiptum glerjum\* fylgir annað par FRÍTT með í sama styrkleika. Tilvalið sem sólgleraugu eða varagleraugu.

\* Margskipt gler á við Varilux, Multifocal, Progressive og tvískipt gler



Módel: Kristín Jóna Hilmarsdóttir  
Umgjörð: Lindberg Spirit

Optical Studio  
SMÁRALIND • LEIFSTÖÐ • KEFLAVÍK

## Gengi félaga í Kauphöll Íslands

**9**  
Á UPPLÉIÐ  
Félög sem hækkuðu í verði

**0**  
Á NIÐURLEIÐ  
Félög sem lækkuðu í verði

**4**  
STÓÐU Í STAÐ  
Félög sem stóðu í stað

**MESTA HÆKKUN**  
**ICELANDAIR**  
98,3% frá áramótum

**ÖSSUR**  
12,2% í síðustu viku

**MESTA LÆKKUN**  
**NÝHERJI**  
-24% frá áramótum

### Aðallisti Kauphallarinnar | Nasdaq OMX Iceland

Félag	Gengi í gær	Frá áramótum	Vikubreyting
Atlantic Airways (DKK)	164,50	36,0%	0,0%
Atlantic Petroleum (DKK)	155,00	-15,8%	0,0%
Bank Nordic (DKK)	133,00	29,1%	0,0%
Eimskipafélag Íslands	226,50	-1,5%	0,0%
Fjaraskipti (Vodafone)	28,70	-11,8%	5,3%
Hagar	36,15	58,9%	5,7%
Icelandair Group	16,30	98,3%	1,9%
Marel	125,00	-11,0%	2,5%
Nýherji	3,08	-24,0%	1,7%
Reginn	13,61	23,7%	1,0%
Tryggingamiðstöðin*	30,35	13,7%	0,8%
Vátryggingafélag Íslands**	11,14	20,8%	0,6%
Össur	212,00	9,3%	12,2%

Úrvalsvísitalan OMXI6 1.166,25 7,7% -0,9%

### First North Iceland


Félag	Gengi í gær	Frá áramótum	Vikubreyting
Century Aluminum	1150,00	0,0%	0,0%
Hampiðjan	12,80	36,2%	5,3%
HB Grandi	16,20	8,0%	0,0%
Sláturfélag Suðurlands	1,22	13,0%	0,0%

\*fyrsta verð 8. maí 2013 \*\*fyrsta verð 24. apríl 2013

## Fróðleiksmolinn

DataMarket

### Mánaðarleg raforkunotkun í Gwst.



Hagstofa Íslands birtir tölur um raforkunotkun og flokkar eftir stórnotendum og almenna notkun svo sem eins og heimilin í landinu o.fl. Myndin sýnir mánaðarlega raforkunotkun frá janúar 1995 til júní 2013. Raforkunotkun heimila (bláa línan) er árstíðabundin, hæst í desember en lægst í júní og júlí ár hvert. Raforkunotkun stórnotenda (brúna línan) hefur vaxið mikið á tímabilinu, úr 200 gigawattstundum (GWst) á mánuði árið 1995 í 1.150 Gwst.



Á LEIÐ Í LOFTIÐ Wow er nú formlega orðið flugfélag. FRÉTTABLAÐIÐ/PJETUR

WOW fær flugrekstrarleyfi:

## Fljúga undir eigin flaggi

Flugfélagið WOW air tók formlega við flugrekstrarleyfi frá Samgöngustofu í gær. Um 30 ár eru frá því að slíkt leyfi var veitt félagi sem stundar áætlunarflug til og frá Íslandi.

WOW lítur á leyfið sem lið í að styrkja og byggja upp rekstur félagsins. Lykilatriði sé fyrir áframhaldandi vöxt að fljúga undir eigin flaggi. Fyrsta flugið undir merkjum WOW air var til Kaupmannahafnar í morgun. - skó

## Dagatal viðskiptalífsins

keldan  
dagatal viðskiptalífsins

### Miðvikudagur 30. október

- Vinnumarkaður á 3. ársfjórðungi 2013
- Nýskráningar og gjaldþrot hlutafélaga og einkahlutafélaga í september 2013
- Fjöldi útgefna vegabréfa

### Fimmtudagur 31. október

- Vöruskipti við útlönd janúar-september 2013
- Hverjir eiga viðskipti?

### Miðvikudagur 6. nóvember

- Vöruskipti við útlönd október 2013 – bráðabirgðatölur
- Gistinætur og gestakomur á hótélum í september 2013
- Fasteignamarkaðurinn í mánuðinum eftir landshlutum
- Útgáfudagur Peningamála og vaxtaákvörðunardagur

### Föstudagur 8. nóvember

- Útboð ríkisbréfa

Allar markaðsupplýsingar eru aðgengilegar á vísir

# Víti til varnaðar í samningum frá 2011

Líkur eru sagðar á að launahækkningar sem samið var um til þriggja ára 2011 hafi hamlað bata sem þá var hafinn á vinnumarkaði. Greiningardeild Arion banka vill að litið verði til reynslunnar.

### EFNAHAGSMÁL

Óli Kristján Ármannsson | olikr@frettabladid.is

Vísbendingar eru um að kjarasamningar árið 2011 hafi virkað sem bremsa á bata sem þá var hafinn á vinnumarkaði. Þetta kemur fram í nýrri umfjöllun í Markaðspunktum greiningardeildar Arion banka. Samningar eru lausir 30. nóvember næstkomandi.

Bent er á að nú fari á ný í hönd kjarasamningar og niðurstöður þeirra muni hafa umtalsverð áhrif á efnahagsþróun næstu missera. „Þá einkum þróun verðbólgu og kaupmáttar“, segir í umfjölluninni.

2011 var samið um almenna launahækkun upp á 11,4 prósent yfir samningstímabilið, sem var þrjú ár. „Frá undirritun kjarasamninganna í maí 2011 hefur launavísitalan hækkað um 17,6 prósent á meðan kaupmáttur hefur aðeins aukist um 7,4 prósent á sama tíma sökum hækkandi verðlags. Bendir það til þess að kjarasamningarnir hafi falið í sér of miklar launahækkningar sem hafi verið fyrirtækjum um megn“, segir í Markaðspunktum.

Verðlagshækkningar eru sagðar nær óhjákvæmilegar ef nafnlaun hækki umfram framleiðnivöxt. „Sýndi það sig vorið 2011 en þá fór verðbólga vaxandi á ný

í kjölfar kjarasamninga, eftir að hafa lækkað mikið frá árinu 2009.“ Fleiri þættir eru þó sagðir hafa þar haft áhrif, svo sem gengislækkun og hækkun olíuverðs. Vísitölur sem greiningardeildin styðst við sýna þó áhrif sem ekki verða skýr af utanaðkomandi þáttum. Bent er á að vísitala launa hafi aðeins farið um 2,8 prósent við hverja þrepahækkun sem samningarnir 2011 skiluðu, en svokölluð kjarnavísitala bara um 0,4 prósent á næstu þremur mánuðum eftir hækkun.

Áhrif samninga á hlutfall starfandi fólks eru einnig sögð benda til þess að kjarasamningar hafi grafið undan bata á vinnumarkaði. Í kjölfar kjarasamninganna hafi mátt greina töluvert bakslag í hlutfallsaukningu starfandi fólks á vinnumarkaði.

„Til að mynda hafði hlutfallið hækkað um 0,4 prósentustig á fjórða ársfjórðungi 2010, miðað við þriðja ársfjórðungi 2010, en aðeins um 0,3 prósentustig ári síðar. Þannig lækkaði hlutfall starfandi fólks nokkuð í kjölfar kjarasamninganna.“

Að baki kjarasamningunum árið 2011 eru sögð hafa verið háleit markmið þar sem blása átti til

sóknar í atvinnulífinu. „Samningarnir byggðu á forsendum sem voru ef til vill full metnaðarfullar miðað við þær efnahagslegu aðstæður sem ríktu á þessum tíma enda hefur meirihluti þeirra ekki gengið eftir“, segir í umfjölluninni. „Í stað þess að tryggja stöðugleika í efnahagslífinu þá fylgdu samningunum vaxandi verðbólga og bakslag í bata vinnumarkaðar. Þannig varð raunverulegur ábati launafólks langt frá því sem lagt var upp með.“ Sagt er nauðsynlegt að í komandi kjarasamningum verði tekið tillit til þess hvaða áhrif samningsgerðin kunnir að hafa á verðlag, verðbólguvæntingar, vaxtastig og þróun vinnu- markaðar.



GLEÐI 2011 Vilhjálmur Egilsson sem þá var hjá Samtökum atvinnulífsins og Gylfi Arnbjörnsson hjá ASÍ féllust í faðma þegar samningar voru í höfn í maí 2011. Fréttablaðið/Anton

Hagnaður Actavis á þriðja ársfjórðungi nam 65,6 milljónum dala eða 7,9 milljörðum króna:

## Tekjuauki nemur 57 prósentum

Actavis plc, móðurfélag Actavis á Íslandi, hagnaðist um 65,6 milljónir bandaríkjadala á þriðja ársfjórðungi samkvæmt árs hlutauppgjöri sem birt var í Kauphöllinni í New York í gær. Upphæðin samsvarar 7,9 milljörðum króna. Um er að ræða 14,5 prósentu samdrátt á milli ára, en fyrirtækið hagnaðist um 76,7 milljónir dala á sama tímabili í fyrra.

Tekjur félagsins eru í tilkynningu sagðar hafa aukist um 57 prósent og hafi numið 2,01 millj-

arði dala samanboreið við 1,29 milljarða á þriðja fjórðungi 2012.

„Hagnaður á hlut á þriðja ársfjórðungi 2013 jókst um 55 prósent í 2,09 dali samanboreið við 1,35 dali á þriðja ársfjórðungi í fyrra.“ Niðurstöðurnar eru sagðar án áhrifa kaupna Actavis á Warner Chilcott 1. október síðastliðinn.

Hagnaður án afskrifta (EBITDA) jókst um 61 prósent og nam 489,2 milljónum dala á þriðja fjórðungi samanboreið við 304,6 milljónir á sama tíma 2012. - óká



NOTAD TÖFLUBRÉF Actavis áætlar að tekjur fyrir 2013 nemi um 8,6 milljörðum bandaríkjadala og hagnaður á hlut verði 9,26 til 9,39 dalir. Fréttablaðið/ÓKÁ

## Hækkar ræstikostnaður um 44% hjá þér 1. desember?

44%

Hafðu samband við okkur í síma 581 4000 eða kíktu á [www.solarehf.is](http://www.solarehf.is) og kynntu þér lausnir okkar.

Sólar er einn af stærstu ræstingar- og fasteignaumsjónar aðilum á Íslandi. Síðan 2002 höfum við veitt ótal fyrirtækjum og stofnunum þjónustu okkar.

Sólar ehf. • Kleppsmýrarvegur 8 • 104 Reykjavík  
Sími. 581 4000 • [www.solarehf.is](http://www.solarehf.is)

# FRÁBÆR KAUP FRÁ EPSON



Epson EBX12LW

**119.990**

## HÁGÆÐA SKJÁVARPI

Vandaður skjávarpi sem er okkar bestu kaup. Hentar frábærlega í skóla eða fundarherbergi. Skjávarpinn er lítill og meðfærilegur og auðveldur í uppsetningu.

### Langur líftími peru

Peran lifir í 5.000 klukkustundir ef skjávarpinn er stilltur á eco stillinguna.

### Mjög notendavænn

Auðveldur í uppsetningu með HDMI og USB 3 í 1, sem þýðir að aðeins þarf einn kapal fyrir hljóð, mynd og stýringu.

### Hágæða myndgæði

Epson 3LCD örgjörvinn tryggir náttúrulega og góða liti. 2.800 lumens tryggir bjarta mynd og 3000:1 skerpa gerir myndina mjög skarpa og góða.

### Valmöguleiki

Hægt er að bæta við USB myndavél og varpa upp myndum úr t.d. kennslubókum með einföldum hætti.



# Sjónvarpsmiðstöðin

RAFTÆKJAVERSLUN • SÍÐUMÚLA 2 • SÍMI 568 9090 • [WWW.SM.IS](http://WWW.SM.IS)

**EPSON**<sup>®</sup>  
EXCEED YOUR VISION



**FJÁRFESTA Í FERÐAÞJÓNUSTU** Við smábátahöfnina á Siglufirði standa nú veitingahús, kaffihús, skemmtistaður og gallerí Rauðka. Líftækni fyrirtækið Genís er einnig með aðstöðu þar og nýtt hótél bætist í hópinn vorið 2015.

Fréttablaðið/Stefán.

# Smábátahöfnin hjarta verkefnisins

*Fjárfestingar í tengslum við verkefni athafnamannsins Róberts Guðfinnssonar á Siglufirði nema meira en þremur milljörðum íslenskra króna. Þar á meðal eru framkvæmdir við nýtt 68 herbergja hótél, líftækni verksmiðju og nýjan níu holu golfvöll. Róbert segir fjölgun erlendra ferðamanna fela í sér mikil tækifæri fyrir landsbyggðina.*

## VIÐTAL

Haraldur Guðmundsson | haraldur@frettabladid.is

Róbert Guðfinnsson, athafnamaður og Siglufirðingur, á stóran þátt í þeirri miklu uppbyggingu sem nú stendur yfir á Siglufirði í tengslum við ferðaþjónustu, afþreyingu og rannsóknir í líftækni.

Róbert hefur í gegnum félagið Rauðka ehf. breytt gömlum fiskvinnsluhúsum við smábátahöfnina á Siglufirði í veitingahús, kaffihús, skemmtistað og gallerí.

Félagið ætlar einnig að opna nýtt 68 herbergja hótél í bænum og vinnur nú með sveitarfélaginu Fjallabyggð að uppbyggingu níu holu golfvallar.

Líftækni fyrirtækið Genís hf., sem er að mestu í eigu fjárfesta sem tengjast Róberti, er síðan að byggja nýja líftækni verksmiðju í bænum við hliðina á veitingarekstri Rauðka.

Fjárfestingar í tengslum við þessi verkefni sem Róbert er aðili að nema að hans sögn meira en þremur milljörðum íslenskra króna.

### Vildi skapa nýjar tekjur og störf

„Þegar umræðan um Héðinsfjarðargöng fór af stað rétt eftir aldamótin sá maður fram á að hlutirnir gætu breyst á Siglufirði en áratugina á undan hafði verið eilíf barátta við að halda fólki í samfélaginu,“ segir Róbert, spurður um hvernig það kom til að hann fór að fjárfesta í ferðaþjónustu og líftækni á Siglufirði.

„Ég var á þeim tíma einn af stjórnendum og eigendum sjávarútvegsfyrirtækisins Þormóðs Ramma og horfði upp á það hvernig tæknivæðing og hagræðing í sjávarútvegi leiddu til fækkunar starfa og einhæfs atvinnulífs. Þá

leitðu menn eftir nýjum tækifærum til uppbyggingar og hvernig hægt væri að skapa nýjar tekjur og störf,“ segir Róbert.

Hann segir að þessar vangaveltur hafi meðal annars leitt til þess að Þormóður Rammi ákvað að stofna fyrirtækið Primex sem vinnur efnið kitín úr rækjuskel.

„Þegar ég lét af störfum og seldi minn hlut í Ramma árið 2005 þá keyptum við félagið minn, Vilhelm Már Guðmundsson, ásamt Nýsköpunarsjóði, rannsóknar- og þróunardeildina út úr Primex. Sú eining heitir í dag Genís hf.“

Í dag starfa fjórir starfsmenn Genís í lítilli þróunarverksmiðju fyrirtækisins á Siglufirði. Áform eru um byggingu stærri verksmiðju á næstu árum.

„Við uppbyggingu Genís á Siglufirði mun störfum fyrir háskólamenntað fólki fjölga. Það er gríðarlega mikilvægt fyrir bæinn því störf í svona samfélögum eiga til að vera einhæf.“

### Keypti gömul fiskverkunarhús

Sex ár eru liðin frá því að Róbert fór fyrst að fjárfesta í verkefnum tengdum ferðaþjónustu á Siglufirði. Þá ákvað hann að kaupa gömul fiskverkunarhús í kringum smábátahöfnina í bænum.

„Ég hef lengi unnið að verkefnum erlendis og á ferðum mínum hef ég skoðað mikið af smábátahöfnum sem áður voru gamlar fiskihafnir en var breytt í ferðamannastaði. Því spurði ég sjálfan mig þeirrar spurningar hvort það væri ekki alveg eins hægt að byggja upp slík verkefni á stað eins og Siglufirði. Við ákváðum því strax í byrjun að gera smábátahöfnina í bænum að hjarta verkefnisins,“ segir Róbert.

Við norðanverða smábátahöfnina standa nú veitingahús, kaffi-

hús, skemmtistaður og gallerí Rauðka og við austanverða höfnina stendur áður nefnd verksmiðja Genís.

„Við sunnanverða höfnina ætlum við síðan að byggja 68 herbergja hótél sem verður þrjú þúsund fermetrar að stærð og verður tekið í notkun vorið 2015. Hótelið hefur fengið nafnið Hótél Sunna, til heiðurs gamalli síldarverkunarstöð sem stóð áður á þessum reit,“ segir Róbert og bætir því við að öll hús Rauðka, þar með talið hótelið, séu hönnuð í gömlum stíl til að falla vel inn í umhverfið.

Helmingur hótelsins verður að sögn Róberts byggður á landfyllingu.

„Það var ekki gert vegna þess að það væri skortur á landi á Siglufirði. Ástæðan er sú að hótelið verður byggt þannig að útsýni verður yfir bátahafnir úr öllum herbergjum þess. Landfyllingin er nú að síga og um leið og hún verður tilbúin, og þegar veður leyfir, þá munum við hefja framkvæmdir við hótelið.“

### Mikil tækifæri á landsbyggðinni

Sveitarfélagið Fjallabyggð og Rauðka stofnuðu á síðasta ári sjálfseignarfélagið Leyningsás sem stendur að uppbyggingu á nýjum níu holu golfvelli og skíðasvæðinu á Siglufirði.

„Þessi verkefni eru nauðsynleg til að fá aukna breidd í ferðaþjónustuna og gera þetta samfélag meira aðlaðandi fyrir ungt fólk sem velur Siglufjörð til framtíðar búsetu. Við sömdum því við sveitarfélagið um að setja eignir skíðasvæðisins inn í sjálfseignarfélag þar sem skíðasvæðið yrði byggt enn frekar upp og byggður yrði nýr níu holu golfvöllur. Þessi verkefni voru sett inn í sjálfseignarfélag því við lögðum félaginu til



**SIGLUFIRÐINGUR** Róbert Guðfinnsson segir mikilvægt að fjölga störfum fyrir háskólamenntað fólki á Siglufirði.

Fréttablaðið/Arnþór

## NÓG TIL AF HÚSNÆÐI Á SIGLUFIRÐI



**SIGURÐUR VALUR ÁSBJARNARSON**

Sveitarfélagið Fjallabyggð hefur að undanfögnu fjárfest í mikilvægum innviðum á Siglufirði eins og skólamanntekjum, þjónustubyggingum og bættari hafnaraðstöðu. Að auki hefur þurft að bæta stoðvirki fyrir snjóflóðavarnir í fjallinu Hafnarhrynu fyrir ofan Siglufjörð.

Sigurður Valur Ásbjarnarson, bæjarstjóri Fjallabyggðar, segir að nóg sé til af húsnæði í bænum þrátt fyrir að mörg hús hafi á undanfönum árum verið keypt og notuð sem sumarhús.

„Hér voru áður hátt í fimm þúsund íbúar en við erum nú um ellefu hundruð. Þegar þeim sem eiga húsnæði hér í bænum og nota það sem sumarhús fór að fjölga þá fylgdu því auknar tekjur í gegnum fasteignaskatta en það hefði mátt vera meiri fjölgun í bænum svo hér væru fleiri útsvargreiðendur. En við skulum vona að það sé næsta skrefið og að öll þessi verkefni sem nú eru í deiglu komi til með að stuðla að framþróun byggðarinnar,“ segir Sigurður.

loforð um 300 milljónir króna og þetta félag er að fullu í eigu samfélagsins,“ segir Róbert.

Hann segir það sína skoðun að tækifæri í fjárfestingum í tengslum við ferðaþjónustu á landsbyggðinni hafi ekki fengið verðskuldaða athygli.

„Ég tel að fjölgun erlendra ferðamanna sé eitt af stærstu tækifærum landsbyggðarinnar til að ná vopnum sínum aftur.

Reykjavíkursvæðið og Gullfoss og Geysir taka ekki við einni og hálfri milljón ferðamanna á ári á næstu tíu árum eins og nýjustu spár gera ráð fyrir. Því mega þessi samfélög úti á landi ekki vera íhaldssöm og blinduð af fortíðarhyggju heldur verða þau að nýta tækifærin og einkafjármagnnið verður einnig að sýnja þessi tækifæri úti á landi,“ segir Róbert að lokum.



**HLUTI FJÖLMIDLAFLÓRUNNAR** Eitt merki um að rekstur standi ekki undir sér er ef handbært fé frá rekstri er neikvætt. Þannig var á síðasta ári komið fyrir DV og Skjáránn stóð mjög tæpt hvað þetta varðar. Þar var handbært fé í lok árs 22 þúsund krónur. FRÉTTABLAÐIÐ/PETUR

# Fimm fjölmiðlar af sjö reknir með tapi

Tap fjölmiðlafyrirtækja á síðasta rekstrarári nam tæpum 368 milljónum króna. Mest er tapið hjá Skjánum, RÚV og DV. Eigið fé tveggja fyrirtækja er neikvætt. Á sama tíma hagnaðist 365 um 305 milljónir og rekstrarfélag Viðskiptablaðsins um 5,6 milljónir króna.

## FJÖLMIDLAMARKAÐUR

Óli Kristján Ármannsson | olikr@frettabladid.is

Einungis tvö af sjö fjölmiðlafyrirtækjum sem skilað hafa ársreikningi skiluðu hagnaði á síðasta ári.

Samstæða 365, sem meðal annars á Fréttablaðið, Stöð 2 og Bylgjuna, skilaði langmestum hagnaði, 305 milljónum króna. Þá skilaði Myllusetur, sem rekur Viðskiptablaðið, tæplega 5,6 milljóna króna hagnaði.

Samanlagt tap hinna, Árvakurs/Morgunblaðsins, Ríkisútvarpsins ohf. (RÚV), Skjásins, DV og Morgundags/Fréttatímans er 367,8 milljónir króna árið 2012.

Langmest er tap Skjásins upp á tæpar 165 milljónir króna. Næstmest er tapið svo hjá RÚV 85,4 milljónir og svo er DV í þriðja sæti með 65,2 milljóna króna tap.

Raunar er sérstaða Skjásins og DV nokkur í þessum samanburði því þau eru einu fyrirtækjin sem í lok síðasta rekstrarárs voru með neikvæða eiginfjárstöðu. Eigið fé Skjásins var neikvætt um 817,5 milljónir króna og DV um 15 milljónir.

Þá var handbært fé DV líka neikvætt um tæplega 4,2 milljónir króna. Skjáránn átti um áramót handbærar 22 þúsund krónur.

Í áritun stjórnenda Skjásins á ársreikningi segir að þrátt fyrir neikvæða eiginfjárstöðu telji stjórnendur ekki leika vafa á áframhaldandi rekstrarhæfi félagsins þar sem móðurfélag þess, sem jafnframt sé stærsti lánardrottinn fyrirtækisins, muni styðja fjárhagslega við rekstur félagsins og tryggja áframhaldandi rekstur þess. „Að minnsta kosti næstu 12 mánuði.“

Í skýrslu stjórnar í ársreikningi DV 2012 er líka vísað til þess að gripð hafi verið til víðtækrar hagræðingar í rekstri, auk þess sem hlutfé hafi verið aukið um ríflega 55 milljónir króna á fyrsta fjórðungi þessa árs. Talan er forvitnileg í samhengi við endurmat á virði óefnislegra eigna (útgáfuréttar og hugbúnaðar) upp á 39,7 milljónir í ársreikningi DV. Án hans hefði halli á rekstri félagsins verið 54,7 milljónir króna í árslok 2012.

## FÁIR STANDAST LÁNAMÆLISTIKU BANKANNA

Þegar bankar leggja mat á lánshæfi fyrirtækja er gjarnan horft til kennitölu sem fengin er út með því að deila rekstrarhagnaði án afskrifta

**817,5** Eigið fé Skjásins var um síðustu áramót neikvætt um rúmar 817 milljónir króna. Í ársreikningi fyrirtækisins segja stjórnendur að móðurfélag Skjásins, Skipti, sem einnig á Símann og Mílu, styðji við reksturinn og tryggi áframhald hans, að minnsta kosti í 12 mánuði.

(EBITDA) í vaxtaberandi skuldir að frádregnu handbæru fé. Hlutfallið gefur fjárfestum, eða lánveitendum, hugmynd um hversu langan tíma fyrirtæki væri að greiða upp skuldir sínar, án tillits til vaxta, skatta, afskrifta og rýrnunar. Af spjalli við sérfræðinga í fyrirtækjarekstri og greiningu ársreikninga má ráða að bankar telji fyrirtæki hæf til lántöku ef hlutfallið er undir 3 til 3,5 árum.

Í greiningu á ársreikningum íslenskra fjölmiðlamarkaði kemur í ljós að einungis eitt fyrirtæki fellur innan þess ramma, en það er Myllusetur, eigandi Viðskiptablaðsins. Þar er skulda/EBITDA-hlutfallið 2,9.

Rétt við mörkin er svo 365-samstæðan með hlutfall upp á 3,7 og herma heimildir blaðsins að þar á bæ sé stefnt að því að ná hlutfallinu mjög hratt niður á þessu og allra næstu árum.

Sé þessi mælistika hins vegar lögð á samstæðu Árvakurs/Morgunblaðið er hlutfallið 9,4 ár og 9,2 ár hjá RÚV.

„Við hlutfall yfir 4 eða 5 fara viðvörunarbjöllur alla jafna að glymja því hlutfallið bendir til þess að fyrirtækið sé ólíklega til að standa undir skuldabyrði sinni og þar af leiðandi síður í aðstöðu til þess að bæta við sig skuldsetningu sem þyrfti til vaxtar,“ segir í útskýringu Investopedia á hlutfallinu.

Taprekstur og neikvæðar EBITDA-tölur annarra miðla, svo sem DV, Skjásins og Morgundags/Fréttatímans, gera að hlutfallið nýttist ekki til samanburðar hjá þeim fyrirtækjum.

Vefpressan, sem meðal annars rekur vefmiðlana Pressuna og Eyjuna, hefur ekki skilað ársreikningi fyrir síðasta rekstrarár og er því ekki með í samanburðinum. Í árslok 2011 var hins vegar tap á rekstrinum upp á rúmar 29,8 milljónir króna og EBITDA var neikvæð um 32 milljónir.

## TÖLUR ÚR REIKNINGUM HELSTU MIÐLA 2012

Fjölmiðill	Hagnaður/Tap	EBITDA	Handbært fé	Eigið fé	Skuldir
365-samstæðan	305,0 m.kr.	1.088,0 m.kr.	106,0 m.kr.	2.561,0 m.kr.	7.227,0 m.kr.
Myllusetur/Viðskiptablaðið	5,6 m.kr.	7,8 m.kr.	8,2 m.kr.	23,3 m.kr.	61,1 m.kr.
Morgundagur/Fréttatíminn	-5,5 m.kr.	3,5 m.kr.	13,9 m.kr.	17,8 m.kr.	44,5 m.kr.
Árvakur/Morgunblaðið	-46,7 m.kr.	100,9 m.kr.	141,6 m.kr.	974,5 m.kr.	1.246,6 m.kr.
DV	-65,2 m.kr.	-57,0 m.kr.	-4,2 m.kr.	-15,0 m.kr.	168,1 m.kr.
RÚV ohf.	-85,4 m.kr.	341,9 m.kr.	5,1 m.kr.	651,4 m.kr.	4.919,8 m.kr.
Skjáránn	-165,0 m.kr.	-83,9 m.kr.	22.000 kr.	-817,5 m.kr.	2.166,8 m.kr.

Heimild: Ársreikningar. Ath. allar tölur í milljónum króna, nema handbært fé Skjásins, sem talið er í krónum.

# Loksins á Íslandi!

Nicotinell með Spearmint bragði - auðveldar þér að hætta reykingum

NÝTT



Nicotinell er samstarfsaðili Krabbameinsfélagsins

Nicotinell

Nicotinell Spearmint 2 mg og 4 mg lyfjatyggigúmmi. Inniheldur nikótín. Ábendingar: Til meðferðar á tobaksfíkn er lyfið dregur úr nikótínþörf og fráfarvæðingum og það auðveldar þér að hætta við reykingum. Skammtar fyrir fullorðna 18 ára og eldri: Skammta skal ákvarða út frá því hversu háður nikótíni einstaklingurinn er. Mælt er með 4 mg lyfjatyggigúmmi fyrir einstaklinga með mikla nikótínþörf og fyrir þá sem ekki hefur tekist að hætta með notkun 2 mg lyfjatyggigúmmis. Ef þú reyrir fleiri en 30 sigarettur/sólarhring má miða við notkun 4 mg, 20-30 sigarettur/sólarhring er miðað við 2 eða 4 mg eftir þörf en ef reykt er minna en 20 sigarettur á sólarhring er æskilegt að nota 2 mg. Ef þú færð aukaverkanir við notkun stærri skammtisins (4 mg lyfjatyggigúmmi), skaltu íhuga minni skammt í stöðinn. Tyggja skal eitt stik við reykingabörf þar til finnst sterkt bragð. Þá skal láta það hvíla milli kinnar og tannholds. Þegar sterka bragðið minnkar skal tyggja aftur. Þetta skal endurtaka í 30 mín. Venjuleg notkun er 8-12 stik, þó ekki fleiri en 15 stik af 4 mg og 25 stik af 2 mg lyfjatyggigúmmi á sólarhring. Meðferðarfernd er einstaklingsbundin en skal í flestum tilfellum standa í a.m.k. 3 mánuði, skal þá draga smám saman úr notkun lyfjatyggigúmmisins. Meðferð skal hætt þegar neyslan er komin niður í 1-2 lyfjatyggigúmmi á sólarhring. Venjulega er ekki mælt með notkun lyfjatyggigúmmis lengur en í eitt ár. Sumir, sem eru hættir að reykja, getu þó þurft lengri meðferð til þess að forðast að byrja aftur að reykja. Geyma skal afgangs lyfjatyggigúmmi þar sem reykingabörf getur skyndilega komið upp aftur. Ráðgjöf getur aukið líkurnar á því að reykingatöflu hætti að reykja. Nota má lyfið til að lengja reyklaus tímabil og draga þannig úr reykingum. Ef ekki hefur dregið úr fjölda sigarettanna á sólarhring eftir 6 vikur skal leita faglegar ráðgjafar. Reykingum skal hætt um leið og einstaklingurinn er reiðubúin til þess, þó ekki síðar en eftir 6 mánaða meðferð. Leita skal faglegar ráðgjafar ef ekki hefur tekist að hætta reykingum eftir 9 mánaða meðferð. Frábendingar: Ónæmi fyrir nikótíni eða einhverju hjáþærmanna, reykleysi. Ráðfærðu þig við lækni eða lyfjafræðing þar sem er víst að þú megir nota lyfið ef þú: ert á meðgöngu eða með barn á brjósti, hefur nýlega fengið hjartabilun eða hjartastopp, ert með hjarta- eða æðasjúkdom, af háan blóðþrýsting, sykursýki, óvirknan skjaldkirtili/nýrnaneitur, magasár eða verulega skerta nýrna- og/eða lífrarstarfsemi eða ef þú ert yngri en 18 ára. Einstaklingum með gervitennur og þeim sem eiga í erfiðleikum með að tyggja tyggigúmmi er ráðlagt að nota önnur lyfjaform nikótínlyfja. Sjúklingar með argengt fruktosapól skulu ekki nota lyfið. Athuga ber að lyfið inniheldur natríum og butýlhydroxytöluen (E321). Lesið allan fylgiseðilinn vandlega áður en byrjað er að nota lyfið. Sjá notkunarlíðbeiningar í fylgiseðli. Geymið þar sem börn hvorki ná til né sjá. Jafnvel lítið magn af nikótíni er hættulegt börnum og getur valdið alvarlegum einkennum eða dauða. Markaðsleyfshafi: Novartis Consumer Health S.A. Umboð á Íslandi: Artisan ehf., Suburhrauni 12a, 210 Garðabæ

# Fyrirtæki búa sig undir harðan slag

Póst- og fjarskiptastofnun mun á næstu mánuðum taka ákvörðun um breytingar sem eiga að auka samkeppni í sölu á upplýsingum um símanúmer og taka 118 úr notkun. Bæði Já og Miðlun vilja selja þessar upplýsingar.

## FJARSKIPTI

Haraldur Guðmundsson | haraldur@frettabladid.is

Póst- og fjarskiptastofnun (PFS) mun á næstu mánuðum taka ákvörðun um hvort farið verði í breytingar sem eiga að stuðla að aukinni samkeppni í sölu á upplýsingum um símanúmer einstaklinga og fyrirtækja. Stofnunin ætlar einnig að taka símanúmerið 118 úr notkun og afturkalla leyfi fyrirtækisins Já fyrir notkun á því.

Já hefur undanfarin ár þurft að halda utan um heildstæðan gagnagrunn yfir innlend símanúmer. Með fyrirhuguðum breytingum PFS á að gera fjarskiptafyrirtækjum skylt að safna þessum sömu upplýsingum. Fyrirtækjunum er samkvæmt núgildandi fjarskiptalögum ætlað að safna þeim en síðustu ár hafa þau látið Já sjá um skráninguna.

„Fyrirtækið Já á því miklu nákvæmari gögn um símanúmer en fjarskiptafyrirtækin, svo sem nákvæmar upplýsingar um fjölskylduhagi fólks eða starfsheiti. Fyrirtæki sem ætlaði að byrja að selja upplýsingar um símanúmer með einhverjum hrágögnum væri því ekki í sömu stöðu og Já er í nú og undir þetta sjónarmið hafa stofnanir eins og PFS tekið,“ segir Andri Árnason, framkvæmdastjóri Miðlunar, en hann hefur lengi gagnrýnt núverandi fyrirkomulag og sagt

“Fyrirtækið Já á því miklu nákvæmari gögn um símanúmer en fjarskiptafyrirtækin, svo sem nákvæmar upplýsingar um fjölskylduhagi fólks eða starfsheiti.



ANDRI ÁRNASON

það koma í veg fyrir að fyrirtæki geti keppt við Já þegar kemur að sölu á upplýsingum um símanúmer.

Andri segir Miðlun hafa gert tilraunir til að kaupa aðgang að þessum gögnum Já en að verð fyrirtækisins hafi verið of hátt til að geta staðið undir rekstri slíkrar þjónustu.



SIGRÍÐUR MARGRÉT ODDSDÓTTIR

„Allir þeir sem ákveða að fara í rekstur þurfa að fjárfesta í því að fara í rekstur. Allt frá því að Já var stofnað höfum við náð samningum við öll starfandi fjarskiptafyrirtæki um afhendingu símanúmeraupplýsinga, líkt og aðrir geta gert. Það eru því



FARA YFIR MÁLIN Starfsmenn Póst- og fjarskiptastofnunar fara nú yfir athugasemdir sem stofnuninni bárust vegna fyrirhugaðra breytinga. Fréttablaðið/Vilhelm.

engin einkaréttindi til handa Já varðandi slíka starfsemi,“ segir Sigríður Margrét Oddsdóttir, forstjóri Já.

Spurð um hvernig Já ætli að bregðast við ákvörðun PFS um afturköllun á leyfi fyrir notkun á númerinu 118, segir Sigríður að fyrirtækið ætli ekki að hætta að veita sömu þjónustu.

„Við höfum fjárfest verulega í markaðssetningu og höfum byggt upp þekkingu á vörumerkinu 118 og við munum að sjálfsögðu ekki hætta að veita þjá þjónustu þó númerið verði lagt niður heldur veita sömu þjónustu í símanúmerinu 1818,“ segir Sigríður.

Andri tekur í sama streng og segir að ef PFS ákveði á end-

anum að fara í breytingarnar þá ætli Miðlun að bjóða upp á sömu þjónustu.

„Þá ætlum við einfaldlega að bjóða neytendum upp á fleiri en einn valkost. Við höfum fengið úthlutað símanúmerinu 1800 og teljum að það sé hægt að gera þetta á ódýrari hátt fyrir neytendur,“ segir Andri.

haraldur@frettabladid.is

# Hefur gaman af útivist og fótbolta

Orri Hauksson, fráfarandi framkvæmdastjóri Samtaka iðnaðarins, hefur verið ráðinn forstjóri Skipta. Hann er alinn upp í Vesturbænum í Reykjavík, nam vélaverkfræði við HÍ og er með MBA-gráðu frá Harvard Business School.

## SVIPMYND

Samúel Karl Ólason | samuel@frettabladid.is

Orri Hauksson var nýlega ráðinn forstjóri fjarskipta- og upplýsingatækniyrirtækisins Skipti. Hann er 42 ára gamall og hefur unnið mikið í tengslum við fjarskiptamarkaðinn.

Orri er fæddur og uppalinn í Vesturbænum og bjó við hliðina á Melabúðinni þar til hann var rúmlega tvítugur. Hann er með stúdentspróf frá MR og eftir það nam hann vélaverkfræði við Háskóla Íslands. „Eftir það nam ég um hríð og fór svo í Harvard Business School og þar náði ég mér í MBA-gráðu.“ Orri á tvo syni og er trúlofaður konu sem á einnig tvo syni. „Þetta er skemmtileg íslensk nútímafjölskylda. Sex manna húshald þegar allir eru saman komnir.“

Áhugamál Orra eru margvísleg og partur af þeim eru stjórnsmál og efnahagsmál. „Síðan erum við feðgarnir, ég, sonur minn og stundum faðir minn, áhugasamir um að fara saman á fótbolta-leiki. Ég hef gaman af útivist, fjallgöngum og slíku. Það skýrist líklega af því að ég var einu sinni í skátunum. Þó ég hafi ekki verið virkur í því starfi lengi þá situr ýmislegt eftir frá því. „Einu sinni skáti, ávallt skáti.“ Fjölskylda og vinir leika líka stórt hlutverk í lífi mínu.“

Orri hefur verið framkvæmdastjóri Samtaka iðnaðarins frá árinu 2010 en þar áður hafði hann starfað hjá Novator frá árinu 2007 til 2010. Orri hefur mikið verið viðloðandi fjarskiptamarkaðinn og frá 2003 til 2007 vann hann sem framkvæmdastjóri þróunarsviðs Símans. „Hjá Novator var ég lengi bæði í Finnlandi og Svíþjóð að vinna að fjarskiptum og verkefnum í umhverfistækni. Ég sat lengi í stjórn fyrirtækis sem heitir Scandinavian Biogas, sem tekur skólp og alls konar annan skemmtilegan lífrænan úrgang og býr til orku úr því.“ Orri var einnig í stjórn Sulphco í Texas en það fyrirtæki braut niður brennisteins-sameindir úr olíuafurðum.



NÝR FORSTJÓRI SKIPTA Orri Hauksson hefur lengi verið viðloðandi fjarskiptamarkaðinn.

## SKEMMTILEGUR OG FÆR Í MANNLEGUM SAMSKIPTUM



EINAR GUNNAR GUÐMUNDSSON forstöðumaður nýsköpunarmála hjá Arion banka. segir Einar og bætir við: „Hann er einfaldlega með skemmtilegri mönnum.“

„Orri er mikill „prinsipp“ maður sem er gríðarlega fljótur að greina kjarnann frá hisminu í umræðunni. Hann er úrræðagóður og lausnamiðaður. Fyrir utan það að vera trúr sér og sínum,“ segir Einar. „Hann hefur alltaf verið gríðarlega metnaðargjarn og tilbúinn til að leggja mikið á sig. Þó þannig að það bitni ekki á öðrum,“ segir Einar og bætir við: „Hann er einfaldlega með skemmtilegri mönnum.“



ILLUGI GUNNARSSON menntamálaráðgjafi.

„Í fyrsta lagi er Orri einstaklega góður vinur. Það er hægt að reida sig á hann í gegnum þykkt og þunnt og leita góðra ráða hjá honum,“ segir Illugi. „Hann er einhver skarpgreindasti maður sinnar kynslóðar og er einn af þeim mönnum sem sér stóru myndina um leið og hann getur sett sig í öll smáatriðin. Hann er að eðlisfari mjög málefnalegur og gefst aldrei upp í rökræðu. Þar fyrir utan er hann líka mjög skemmtilegur maður.“



SVANA HELEN BJÖRNSDÓTTIR formaður Samtaka iðnaðarins.

Hann nær oft skemmtilegu sjónarhorni á mál. Það er mikilvægt þegar sætta á ólík sjónarmið og auka skilning. Þessi hæfileiki hefur t.d. reynst Orra vel þegar hann hefur stjórnað umræðum.“

„Orri er gríðarlega öflugur maður og skemmtilega leiftrandi. Hann er mjög snöggur að átta sig og hann er afar fær í mannlegum samskiptum,“ segir Svana. „Hann hefur góða sýn á tækni og er opin fyrir nýjungum. Hann er hugmyndaríkur og mjög frjór í hugsun. Hann hefur góða kímigáfu og er orðheppinn og hnyttinn. Hann nær oft skemmtilegu sjónarhorni á mál. Það er mikilvægt þegar sætta á ólík sjónarmið og auka skilning. Þessi hæfileiki hefur t.d. reynst Orra vel þegar hann hefur stjórnað umræðum.“



## Reitir varðveita ásýnd og sögu borgarinnar

Reitir eru stærsta fasteignafélag landsins á sviði útleigu atvinnuhúsnæðis. Við leigjum út yfir 130 eignir af öllum stærðum og gerðum. Með vönduðu viðhaldi á eignum varðveitum við sögu borgarinnar, gefum henni fallega ásýnd og sköpum um leið góðan vinnustað fyrir þig og þína.

**REITIR**

*Velkomin til starfa*



## Hin hliðin Segðu já við því að segja nei

Hvað gerir það að verkum að sumt fólk kemst hratt áfram með verkefni sín á meðan aðrir eru alltaf á fullu en áorka þó litlu? Sem manneskja með eigin rekstur þá er áskorun mín ítrekað þessi: Hvernig kem ég öllu í verk sem ég þarf og vil koma í verk? Þegar upp er staðið þá er sú tímastjórnunaraðferð sem hefur virkað hvað best fyrir mig það að segja ekki eins oft „já“.

### Auðvelt að segja „já“

Þetta litla orð skiptir sköpum þegar kemur að því að virða tíma okkar og framlag til umheimsins. Það er nefnilega mjög auðvelt að segja „já“ en alls ekki svo auðvelt að segja „nei“. Við viljum ekki valda fólki vonbrigðum og viljum vera jákvæð og þjónustulunduð og eins viljum við segja já við tækifærum og viðskiptavinum. En hvað eru öll þessi „já“ að kosta okkur? Það sem eyðir tíma okkar og eykur streitu fremur en annað er endurtekin jákvæðni gagnvart því að gefa tíma okkar í að sinna málum sem annað fólk setur í forgang á meðan okkar eigin forgangsatíði sitja á hakanum.

Þegar þú ert beðinn um að gera eitthvað, gefðu þér tíma til þess að hugsa málið. Skoðuðu hvað mælir með og á móti því að segja já. Er þetta eitthvað sem er þér mögulegt, hefurðu tíma og geturðu sinnt því vel? Er þetta eitthvað sem færir þig nær eigin markmiðum eða tekur þig frá því sem þú ert að vinna að?

### Segðu oftar „nei“

Það að segja „nei“ þýðir ekki að þú sért slæm manneskja, starfsmaður eða stjórnandi heldur að þú hafir önnur forgangsatíði og takmarkanir. Þegar einhver biður þig um eitthvað sem hentar þér ekki, íhugaðu þá hvort einhver annar gæti öðlast tækifæri á því að fá verkefnið og bjóddu jafnvel fram tillögur að því hvernig hægt væri að leysa verkefnið þó svo þú getir ekki sinnt því.

Þú þarft ekki að afsaka þig fyrir að gera það sem er réttast fyrir þig og þitt starf eða rekstur. Þegar þú gefur fólki „vinalagt“ nei með einfaldri útskýringu þá virðir fólk afstöðu þína og treystir þér í raun enn frekar þar sem þú ert með þín forgangsatíði á hreinu.

Prófaðu að segja oftar „nei“ við því sem hentar þér ekki og þú segir í leiðinni „já“ við því sem skiptir þig mestu máli, nýtir tíma þinn margfalt betur og eykur eigin afköst.

# 3

## Frábær dagskrá á Stöð 3

1. mánuðurinn ÓKEYPIS

**Laugardagsþátturinn með Frikka Dór\***

**Arrow**

**Game Tívi**

**Sleepy Hollow\***  
Einn vinsælasti nýi þátturinn í Bandaríkjunum.

**Carrie Diaries**

**Shameless**  
„Frábær sjónvarpsþáttur sem grípur mann frá fyrsta augnabliki.“  
– The Hollywood Reporter  
Verðlaunaleikarinn William H. Macy leikur aðalhlutverkið í þessum mögnuðu þáttum.

**Dads\***

**Grimm\***

**Graceland**

**Banshee**

**The Mindy Project**

**Super Fun Night**

**Í eldhúsinu hennar Evu**

**Vampire Diaries**

**X Factor USA**

**giee**

**Nikita**

**Pretty Little Liars**

**Krakka stöðin**  
**BARNAEFNI ALLA DAGA**  
Vandað talsett barnaefni og skemmtilegir þættir fyrir yngstu áhorfendurna alla daga.

Stöð + **Krakka stöðin** + = **2.990** kr. á mánuði

Skjárn Einn **4.990** kr. á mánuði

Tryggðu þér áskrift á [www.stod3.is](http://www.stod3.is)

**Barnaheill**  
Save the Children á Íslandi

Vörðugum börn eiga rétt á vernd og umöngun

Ábendingahnappinn má finna á [www.barnaheill.is](http://www.barnaheill.is)

TILKYNNNA ÓVIÐEIGANDI EÐA ÓLÖGLEGT EFNI Á NETINU